



Број/Broj: 01/2a-50-3-2-28/13

Сарајево/Sarajevo: 18.1. 2013.

**Predmet: Zabilješka sa sastanka predsjedavajućeg Komisije za vanjske poslove Mirze Kušljugića s ambasadorom Finske za Bosnu i Hercegovinu gosp. Pekka Metsem**

U petak, 18.1.2013., održan je sastanak predsjedavajućeg Komisije za vanjske poslove Mirze Kušljugića s ambasadorom Finske za Bosnu i Hercegovinu gosp. Pekka Metsem. Sastanku je prisustvovao i gosp. Ville Cantell, zamjenik ambasadora.

**Ambasador Pekka Metso** je na početku izrazio zadovoljstvo i zahvalio se predsjedavajućem Komisije za vanjske poslove Mirzi Kušljugiću na prijemu. Kazao je da je već godinu dana nerezidentni ambasador za Bosnu i Hercegovinu sa sjedištem u Ljubljani, dodajući da je već ranije imao sastanke s ministrima Zlatkom Lagumđijom i Fahrudinom Radončićem. Ambasador Metso pokazao je interes za aktivnosti Komisije za vanjske poslove posebno u vezi sa sastankom predsjednika komisija za vanjske poslove zapadnog Balkana koji je održan u Zagrebu, 18. i 19. 10. 2012., kao i to da li će se i kada takav sastanak održati u Sarajevu.

**Mirza Kušljugić** zahvalio se ambasadoru na posjeti i pokazanom interesu. Kazao je da Predsjedništvo BiH vodi vanjsku politiku, a da njena realizacija ide preko Vijeća ministara BiH i Ministarstva vanjskih poslova BiH, dok Parlamentarna skupština BiH nadgleda rad Vijeća ministara BiH gdje i Komisija za vanjske poslove ima svoju ulogu. Dodao je da Bosna i Hercegovina nema zakon o vanjskim poslovima koji bi propisao tačno ko šta radi i da je on kao predsjedavajući Komisije za vanjske poslove usredstvijen prvenstveno na regionalnu saradnju i multilateralne organizacije, te da u vezi s tim imamo plan aktivnosti za ovu godinu. Objasnio je da je on predsjedavajući Komisije za vanjske poslove Predstavničkog doma, te da i Dom naroda ima srodnu komisiju. Kazao je da je za februar ili mart u Parlamentarnoj skupštini BiH planirano održavanje sesije o parlamentarnoj diplomaciji na širem planu, dok je na užem planu to aktivnost koja je inicirana i odvija se zahvaljujući komisijama ili odborima za vanjsku politiku četiri zemlje zapadnog Balkana - Bosne i Hercegovine, Hrvatske, Srbije i Crne Gore. Istakao je da je prvi sastanak bio u oktobru prošle godine kojem su prisustvovali predsjednici komisija za vanjske poslove ovih zemalja, te da je ideja da se uz pomoć parlamenata ispita mogućnost za preventivnu diplomaciju s namjerom da se identificiraju otvorena pitanja i ispitaju mogućnosti u oblasti ekonomске saradnje sa akcentom na ljudska prava. Kazao je da će se na sljedeća dva sastanka, od kojih bi prvi trebalo da bude održan u Sarajevu a drugi u Crnoj Gori ili Beogradu, pokušati definirati lista stvari koje treba uraditi kao i struktura saradnje.

Predsjedavajući Kušljugić istaknuo je da je otvoreno pitanje kuda će to voditi, da li nekoj vrsti saradnje između parlamenata ili formiranju nekog savjeta zemalja, da li će biti samo četiri zemlje ili više, te da ćemo kroz ovaj proces ići polako. Naglasio je da je planirano da se sljedeći sastanak održi u Sarajevu u prvoj polovini marta te da je njegovo organiziranje u toku. Takoder je kazao da je fokus na razmjeni iskustava sa zemljama Beneluksa, grupom baltičkih zemalja i zemalja Nordijskog vijeća, među kojim postoji dosta razlika ali ih to ne sprečava da sarađuju. Te zemlje su zainteresirane da podijele iskustva s nama, dodao je Kušljugić. Kazao je da je naš cilj da razgovaramo kako da razvijemo naš model saradnje i

istakao da će glavna tema biti dalje evropske integracije nakon ulaska Hrvatske u EU. Informirao je ambasadora da će naša komisija biti domaćin jednog šireg sastanka parlamentaraca regije, koji organizira Igmanska inicijativa, čije se održavanje planira između 10. i 15. februara, a koji će nam poslužiti kao priprema za sastanak planiran za mart. Naglasio je da će njegova poruka biti da treba ispitati mogućnosti kako zajedno možemo naći rješenje za dugu i vrlo tešku ekonomsku krizu u regiji, kao i prijedlog da se do 2014. godine do stogodišnjice početka Prvog svjetskog rata verificiraju međudržavne granice između ove četiri zemlje.

**Ambasador Pekka Metso** pitao je kako će baltičke zemlje, zemlje Nordijskog vijeća i Beneluksa, s parlamentarne strane biti uključene u ovaj proces.

**Mirza Kušljugić** kazao je da će u ovom trenutku biti pozvani ambasadori i predstavnici ambasada ovih zemalja koji će biti veza s parlamentarcima, kao i da je metodologija koja je prihvaćena u Zagrebu da se komisije sreću tri do četiri puta godišnje i da na svakom sastanku idu od jednog do drugog specifičnog pitanja. Dodao je da ćemo se na predstojećem sastanku sigurno dotaći trenutno najaktuelnijeg pitanja a to je ulazak Hrvatske u EU i dalja budućnost procesa evropskih integracija za ostale zemlje zapadnog Balkana. Istakao je da se svi ovi planovi uklapaju u prioritete vanjske politike Bosne i Hercegovine a to su euroatlantske integracije, regionalna saradnja u procesu integracija i ekomska diplomacija. Uz to je kazao da bismo voljeli da finske kompanije i korporacije budu više prisutne ovdje, te da su one dobrodošle u BiH.

**Ambasador Pekka Metso** kazao je da je prethodni dan održan sastanak posvećen promociji trgovine kojem je prisustvovala delegacija finskih trgovinskih predstavnštava iz Budimpešte koja pokriva Srbiju i Bosnu i Hercegovinu. Također je kazao da Finska u Sarajevu ima svog počasnog konzula gosp. Fuada Striku koji je uključen u ovo polje saradnje, te da on, uz ostalo, organizira seminare o iskorištavanju energije. Ambasador Pekka Metso je poseban akcenat stavio na korištenje čiste energije u čemu Finska ima mnogo iskustva i samim tim može mnogo pomoći. Dodao je da u Finskoj nema mnogo informacija o stanju u Bosni i Hercegovini te da se ulažu napor da se u Finskoj prikaže slika o Bosni i Hercegovini i njenoj ekonomiji. Naglasio je da Finska snažno podržava proširenje Evropske unije na zapadni Balkan ali i da je zabrinut kad vidi gdje se BiH nalazi u ovom procesu.

**Mirza Kušljugić** kazao je da je BiH jako zainteresirana za fokusiranu ekonomsku saradnju i da bi nam ta saradnja bila korisna. Predložio je da finska strana izabere dvije ili tri konkretnе oblasti u čije projekte želi ulagati i ponudio pomoći institucija BiH. Izrazio je zadovoljstvo što je sastanak iskorišten za razmatranje dalnjih pragmatičnih koraka vezanih za oblast ekonomije.

PREDSJEDAVJUĆI KOMISIJE

Mirza Kušljugić

Dostavljen:

- Kolegiju Predstavničkog doma
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za međunarodne odnose i protokol
- a/a